



24. maj 2011

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqut:

1. **Paasinarsereernikuuvoq Alcoa piumasaqarsimasoq nunat assigiinngitsut akornanni sulisartunik atuinissamik akinut nunat assigiinngitsut akornanni unammillersinnaasunut (appasittunut) Maniitsup eqqaani aluminumik aatsitsivissamik aallartisarnerup nalaani. Alcoa sunik allanik piumasaqarsimava piumasaqaatitut projekti piviusunngortikkumallugu?**
2. **Qaqagu Naalakkersuisut naatsorsuutigivaat Inatsisartut najoqqutassat projektimut isummernissatsinnut tunngaviusussat tigussagigut? Naalakkersuisut siusinnerusukkut nalunaarutiginiqkuaat natsorsuutigalugu ukiaanerani ataatsimiinnissami isummivinnissaq. Taamaattumik naleqquttuusooq, uagut Inatsisartut tunngavissagut piaartumik tingugutsigit, piffissaqarluarnerussagatta qulequtaq qulaajaaffigissallugu.**

(Inatsisartuni ilaasortaq Niels Thomsen, Demokraatit)

Tunngavilersuut:

Silatusaarneruvoq aaliangernissanut angisuunut annertuumik sunniuteqartussanut piffissalerluar-nissaq. Aammali pingaaruteqarpoq aalaingersinnaassuseqarnissaq aaliangerneq sumulluunniit sammiveqartussaagaluarpat. Ukiut sisamanngorput (26. maj 2007) taamani Naalakkersuisuni Siulittaasoq Hans Enoksen aamma taamani Inuussutissarsiornermut, Suliffeqarnermut Inuussutissarsiutinullu Ilinniartitsiner-mut Naalakkersuisoq Siverth K. Heilmann Alcoa allagartamik up-
pernarsaammik atsioqatigigamikku (Memorandum of Understanding).

Ukiut taakkua sisamat atorneqarsimapput misissuiner-nut pingaarutilinnut isumaqatigiinninniar-nernullu pingaarutilinnut. Illuatungeriit massakkut ima suliaqartigisimassapput aaliangiisartunut (Inatsisatut) tamanullu tunngavissanik katitikkanik saqqummiisoqarsinnaassalluni - nalunaarusi-amik katiterisumik.



Assersuutigalugu qanittukkut saqqummerpoq Alcoa piumasaqaataa projektip piviusunnngortin-nissaanut tassaasoq, aatsitsivik sananeqassasoq nunat assigiinngitsut akornanni sulisartunik aki-nut nunat assigiinngitsut akornanni unammillersinnaasunut (appasittunut) atuinikkut. Demokraa-tit kissaatigivaat qanittukkut paasissutissanik katitikkanik takusaqarnissaq kusernertut ittunik paasisaqallattaarunnaarluta.

Paasisimasaqarluarluni tunngaveqarneq

Demokraatinut pingaaruteqarpoq inuiaqatigiittut massakkutut inuussutissarsiutitigut aqqissuus-saanerput aalisarnermik piniarnermillu ataasiinnaasumik noqarteqartup nikisikkiartornissaa. Ar-lalinnik noqarteqartumik inuussutissarsiutitigut aqqissuussaaneq pilersissuarput, tamatumani ilaatigut nukimmik tunngaveqarluni atortussiorneq pingaaruteqartuusinnaalluni pingaar-uteqartuussallunilu.

Taamaattumik isumaqarpugut, inuiaqatigiittut aallaaviusumik ukua inuussutissarsiutit nutaat, qularutigineqarsinnaanngitsumik suliffissanik pilersitseqataasussat, taamaasillunilu akileraarutiti-gut tunngavissamik annertusisitsisussat, innuttaasunut ataasiakkaanut/ilaqutariinnut inuiaqatigi-innullu iluaqutaasussat, ammaffigissagigut.

Ukuninngali inuussutissarsiutitigut projektinik aallartitsinissamik kissaateqarnerup kingunerinn-gisaannassavaa, pinngortitamut piumasaqaatit tunniutiinnarfigisassagigut soorlu aamma tunniuti-innarfiginngisaannassagipput inuiaqatigiittut avataaniit aningaasaliisimasumut aningaasaqarnik-kut iluanaarummut naapertuilluartumik pissarsinissaput.

Tamakkua qulakkeerumallugit pingaaruteqarluinnarpoq uagut aaliangiisartutut projektimut ar-laannut paasissutissanik tamakkiisunik paasissutissinneqartarnissarput. Pisinnaatitaaffeqarpugut tamakkiisumik paasimasaqarluarluta aaliangiisinnaanissamut. Taamaattumik nukinginnarpoq Alcoa-projektimut tunngasunik tunngavissanik attuumassutilinnik tunineqarnissaq.



Apeqqutit akeqquneqarput ullut suliffiit nalinginnaasut qulit iluanni.